

6. november 2013

EM 2013/86  
Per Berthelsen

**Ingerlatseqatigiiffiit Kalaallit Nunaannilu oqartussaasut whistleblowereqarnissamut aqqissuussinissamut (kinaassutsimik ersersitsisuunngitsumik ilisimasamik ingerlatitseeqqiisinnanermut periarfissiisumik) malittarisassi-uunneqarnissaannut Naalakkersuisut peqquneqarnissaannut Inatsisartut aalajangiiffigisassaattut siunnersuut.**

(Inatsisartunut ilaasortaq Naaja Nathanielsen, Inuit Ataqtigiit)

Inatsisartunut ilaasortaq Naaja Nathanielsen, Inuit Ataqtigiit soqutiginarluinnartumik aalajangiiffigisassatut siunnersuummik saqqummiussaqaarpoq, saqqummiussap imaraa "whistleblowereqarnissamut" aqqissuussinissaq, taamaaliornikkut inuk nipangersimasussaati-taasoq kingunerluuteqanngitsumik eqqunngitsunik immaqaluunniit toqqaannartumik inatsisunik unioqqutitsisoqartillugu unnersluutiginnissinnanermut periarfissaqarnissaanik qulakkeerinninniarnaq, unioqqutitsisumik pisoqarneranik unitsitsisinnaasoqaqqullugu.

Siunnersuuteqartup erseqqissarpaa nalunaarsuisarneq pillugu inatsisip 1979-imeersup misissuisoqarsinnaaneranut ajornakusoortitsinera, taamaalillunilu ajornakusoortuutillugu whistleblower-eqalersinnaanera.

Siumumit isumaqataavugut siunnersuuteqartup tungavilersuutaanut taamaattumillu nuannaarutigalugu Naalakkersuisut akuersaarnermik takutitsinerat siunnersuutip siunertaanut.

Tassami taamannak aqqissuussineq unioqqutitsinernut ileqqussaannngitsumillu iliusaasinnaasunut illersuutaasinnaammat, taamaalilluni assersuutigalugu peqquserluttoqarsinnaanera whistleblowereqarnermik aqqissuussinikkut pinngitsoortinneqarsinnaalluni, aammattaaq peqquserluttoqartillugu oqaatiginnittup illersorneqarnissaa aamma qulakkeerneqassalluni.

Inuit ataasiakkaat kaammattorneqarsinnaappata uppersarsineqarsinnaasunik paasisutisunik paasisaqtitsilersitsisinnaasunillu namminesortutut suliffeqarfiutillit namminersortullu suliffeqarfiutaannik tutsuiginarnerulersitsisinnaasumik saqqummiussisinnaanngorsinnaasapput aamma.

Siumumiit siunnersuut tapersorsorparput pissangallutalu Naalakkersuisut siunnersuutisamut whistleblower eqalernissaannik 2014-ip ingerlanerani saqqummiussassa utaqqis-sallugu.